

I L L V S T R I S S I M O  
D V C I ,  
M A G N I F I C I S Q V E G V B E R N A T O R I B V S ,  
A C P R O C V R A T O R I B V S ,

*Nicolaus Iacobi F. Gentilis Senarega Iureconsultus. Stephanus Ang. F.  
Cattaneus. Petrus Joannes B. F. Cibo Clauica.*

**V**RIS prudentiam, Illustrissime Princeps Patresque Clarissimi, diuinorum humanarumq; rerum omnium cùm præstantissimam, tum inter ceteras arteis, quas mortalium genus hactenus coluit, antiquissimam esse sapientes tradiderunt. Et quidem si antiquitas quæritur, hæc vetustate cæteras adeò antecellit, vt ne qua prorsus occurrat antiquior: Hæc enim est illa, quæ in ipso rerum primordio priusquam de ceteris artibus, & disciplinis ne cogitatio quidem inter homines esset, illos adhuc rudeis, palates, passimq; in agris dispersos, ac in tectis sylvestribus abditos, ratione quadam in vnum locum compnlit, & congregavit. Hæc item illa, quæ in vnamquaq; rem utilem & honestam eos inducens, primò propter insolentiam reclamantes, deinde propter rationem & orationē studiosius audiētes, ex immanibus mites reddidit, & mansuetos. Rursus illa, quæ Vrbibus constitutis, vbi fidē colere, ac institutū retinere homines didicissent, & alijs parere sua sponte cōsueuissent, trāquillitate dein, ocioq; ciuili per leges alias pulchrè cōstitutis, firmatis que tū demū ad artiū, ceterarumq; rerum pulcherrimarū inquisitionem accīngi docuit. Sin præstantia attēditur; nonne hæc universas partes Philosophiæ, singulas quasq; de more apum obeundo, quæ ex omni florū genere suauissimos decerpunt, ita perstringit, vt ne vllam quidem, quam non attigerit, præterijſe videatur? Cūmigitur Philosophia animę sit consummatio; animæ autē duplex